

四庫全書

集部

欽定四庫全書

花菴詞選續集卷三

宋 黃昇 撰

宋詞

張功甫

名鉉號約齋居士西秦人楊誠齋極稱其詩

賀新郎

李頤正路分見訪畱飲書贈

看了梅花去要東風攀翻看雪與君同賦海內從來天際遠一笑平窺萬古待剪盡燭花紅吐久矣南湖無此

客似喬松萬丈凌霄舉飛咳唾掃塵土 承平氣象森
眉宇想天家驂鸞洞裏細烟水霧我亦秦關歸未得誰
念干將醉撫判良夜倚橫冠屨莫歎瀟湘居尚遠擁戎
輶萬騎鳴笳鼓雲正鎖汴京路

又

陳退翁分教衡湘將行酒闌索詞漫成

桂隱傳杯處有風流千岩韻勝太丘遺緒玉季金昆霄
漢侶平步鸞坡揮塵莫便駕飛颿烟渚雲動精神衡岳
去向君山帝樂鏘韶濩蘭藝畹吊湘楚 南湖老矣無

襟度但樽前踉蹌醉影帽花顛仆只恐清時專文教猶
貸陰山烽火卧錦帳貔貅征鼓忠烈前勲賫萬恨望神
都魏闕奔狐兔呼翠袖為君舞

夢遊仙

記夢

飛夢去閒到玉京遊塵絕天高那得暑月明雲薄澹於
秋宮殿鎖金虬水佩冷風颺紫綃裘五色光中瞻帝
所方知碧落勝炎洲香霧濕簾鉤

木蘭花

癸丑年生日

年年三月二是居士始生朝念綠鬢功名初心已負難
報劬勞天畱帝城勝處匯平湖遠岫碧峇堯竹色詩書
燕几柳陰桃杏橫橋西隣東舍不難招太半是漁樵
任翁媪歡呼兒孫歌笑野具村醪醉來更隨鶴舞看清
風送月過松梢百歲因何快樂盡從心地逍遙

又

甲寅三月中澣邀樓大防陳君舉中書兩舍人黃文叔待制彭子壽右史黃子由匠監沈

應先大著過
桂隱卽席作

清明初過後正空翠靄晴鮮念水際樓臺城隅花柳春

意無邊清時自多暇日看聯鑣飛蓋擁羣賢朱邱橫經
滿座紫微淵思如泉高情那更屬雲天語笑雜歌絃
向啼鴉聲中落紅影裏忍負芳年浮生轉頭是夢恐它
時高會却難全快吐淋浪醉墨要令海內喧傳

漁家傲

漁翁

拂拂春風生草際新晴萬景供遊戲鷗鷺飛來斜照裏
金和翠分明畫出真山水遮箇漁翁無愠喜乾坤都
在孤篷底一曲高歌千古意閒來睡從教月到花汀外

鵲橋仙

立秋後一夕

暑雲猶在澄空欲變入夜徘徊庭際新秋知是昨宵來
愛殘月纖纖西墜芭蕉老大流螢衰健靜裏細觀天
意輕風未有半分涼奈人道今宵好睡

柳梢青

舟泊秦淮

天遠山圍龍蟠淡靄虎踞斜暉幾度功名幾番成敗渾
似鷗飛樓臺一望淒迷算到底空爭是非今夜潮生
明朝風順且送船歸

江城子

夏夜觀月

飛來冰雪冷無聲，可中庭骨毛清。卧看東南和露兩三星。
驀地神遊天上去，呼彩鳳，駕雲輶。望舒宮殿玉崢嶸。
桂千層，寶香凝。搗藥仙童邀我論長生。一笑歸來人未睡，
花送影，上窗櫺。

昭君怨

月夜賞荷花

月在碧虛中，住人向亂荷中去。花氣雜風涼，滿船香雲被。
歌聲搖動酒，被詩情掇送。醉裏卧花心，擁紅衾。

八聲甘州

中秋夜作

歎流光迅景百年間能醉幾中秋正淒蛩鳴砌驚鳥翻
樹烟淡蘋洲誰喚金輪出海不帶一雲浮纔上青林頂
俄轉朱樓人老歡情已減料素娥信我不為閑愁念
幾番清夢常是故鄉畱倩風前數聲橫管叫玉鸞騎向
碧空遊誰能顧黍炊榮利蟻戰怨讐

滿江紅

小圃玉照堂賞梅呈洪景盧內翰

玉照梅開三百樹香雲同色光搖動一川銀浪九霄珂

月幸遇勲華時世好歡娛況是張燈夕更不邀名勝賞
東風真堪惜盤詰手春秋筆今內相斯文伯肯間迂
軒蓋遠過泉石奇事人生能幾見清樽花畔須教側到
鳳池却欲醉鷗邊應難得

念奴嬌

登平江齊雲樓夜飲雙瑞堂呈雷吏部

東吳名勝有高樓直在浮雲齊處十二闌干邀遠望歷
歷斜陽烟樹香徑人稀屨廊山遶往事今何許一天和
氣爲誰吹散疎雨知是蘭省星郎朱輪森戟與風光

為主暇日登携多雅致容我追隨臨賦小宴重開晚寒
初勁還下危梯去燭華紅墜瑞堂猶按歌舞

燭影搖紅

燈夕玉照堂梅花正開

宿雨初乾舞梢烟瘦金絲裊嫩雲扶日做新晴舊碧尋
芳草幽徑蘭芽尚小怪今年春歸太早柳塘花院萬朶
紅蓮一宵開了梅雪翻空忍教空對東風老粉圍香
陣擁詩仙戰退春寒峭現樂歌彈鬧曉宴親賓團樂同
笑醉歸時候月過珠樓參橫蓬島

柳塘花院現樂
皆家中堂名也

滿庭芳

促織兒

月洗高梧露溥幽草寶釵樓外秋深土花沿翠螢火墜
墻陰靜聽寒聲斷續微韻轉淒噎悲沉爭求侶殷勤勸
織促破曉機心兒時曾記得呼燈灌穴斂步隨音任
滿身花影猶自追尋携向畫堂戲鬪亭臺小籠巧粧金
今休說從渠牀下涼夜聽孤吟

胡仲任

名仔茗溪人嘗編漁隱叢話

感皇恩

自得

乞得夢中身歸棲雲水始覺精神自家底峭帆輕棹時
與白鷗遊戲畏途多不管風波起光景如梭人生浮
靡百歲何妨盡沉醉卧龍多事謾說三分奇計算來爭
似我長昏睡

張東父

名震號無隱居士詞甚婉媚蓋富貴人語也

蝶戀花

惜春

梅子初青春已暮芳草連雲綠遍西池路小院繡垂簾
半舉銜泥紫燕雙飛去人在赤欄橋畔住不解傷春
還解相思否清夢欲尋猶間阻紗窗一夜蕭蕭雨

鷓鴣天

怨別

寬盡香羅金縷衣心情不似舊家時萬絲柳暗才飛絮
一點梅酸已著枝金底背玉東西前歡贏得兩相思
傷心不及風前燕猶解穿簾度幕飛

又
春暮

橫素橋邊景竄佳綠波清淺見瓊沙
銜泥燕子迎風絮得食魚兒起浪花
春已暮日初斜畫船簫鼓是誰家
蘭橈欲去空畱戀醉倚闌干看晚霞

驀山溪

春半

青梅如豆斷送春歸去小綠間長紅
看幾處雲歌柳舞偎花識面對月共
論心携素手採香遊踏徧西池路
水邊朱戶曾記銷魂處小立背秋千
空悵望娉婷韻度楊花撲面香糝一
簾風情脉脉酒厭厭回首斜陽暮

又 初春

春光如許春到江南路
柳眼弄晴暉笑梅花落英無數
峭寒庭院羅幙護窗紗
金鴨暖錦屏深曾記看承處
雲邊尺素何計傳心縷
無處說相思空惆悵朝雲暮雨
曲欄干外小立近黃昏
心下事眼邊愁借問春知否

韓无咎

名元吉號南澗名家文獻政事文學為一代

冠冕



水龍吟

題三峰閣詠英華女子

雨餘疊巘浮空望中秀色仙都是洞天未鎖人間春老
玉妃曾墜錦瑟繁絃鳳簫清響九霄歌吹問分香舊事
劉郎去後知誰伴風前醉回首暝烟千里但紛紛落
紅如泪多情易老青鸞何許詩成誰寄斗轉參橫半簾
花影一溪寒水悵飛鳧路杳行雲夢斷有三峰翠

謁金門

春雪

春尚淺誰把玉英裁剪儘道梅梢開未遍卷簾花滿院

樓上酒融歌暖樓下水平烟遠却似湧金門外見絮
飛波影亂

水調歌頭

九日

今日俄重九莫負菊花開試尋高處攜手躡屐上崔嵬
放目蒼崖萬仞雲護曉霜成陣知我與君來古寺倚修
竹飛檻絕塵埃笑談間風滿座酒盈杯仙人跨海休
問隨處是蓬萊落日平園西望鼓角秋深悲壯戲馬但
荒臺細把茱萸看一醉且徘徊

辛幼安

名弃疾號稼軒

瑞鶴仙

片帆何太急。望一葉須臾，去天咫尺。舟人好看客。似風濤三峽，差我劒戟。溪南溪北。正遐想幽人泉石。被漁樵、指點危樓，却羨舞筵歌席。歎息山林鍾鼎意，倦情遷本無欣戚。轉頭陳迹。飛鳥外，晚烟碧。問誰憐舊日南樓老子，竄愛月明吹笛。到而今，撲面黃塵欲歸未得。

又上洪倅壽

黃金堆到斗怎得似長生畫堂勸酒蛾眉最明秀向水
沈烟裏兩行紅袖笙歌擱就爭說道明年時候被常娥
做了殷勤仙桂一枝入手知否風流別駕近日人呼
文章太守天長地久歲歲上乃翁壽記從來人道相門
出相金印纍纍儘有但直須周公拜前魯公拜後

滿江紅

賀王宣子平湖南寇

笳鼓歸來舉鞭問何如諸葛人道是匆匆五月渡瀘深

入白羽風生貌虎嘯青溪路斷猩鼯泣早紅塵一騎落
平岡捷書急三萬卷龍頭客渾未得文章力把詩書
馬上笑驅鋒鏑金印明年如斗大貂蟬却自兜鍪出待
刻公勲業等雲霄浯溪石

又感興

過眼溪山怪都似舊時曾識還記得夢中行遍江南江
北佳處徑須携杖去能消幾緡平生屐笑塵勞三十九
年非長為客吳楚地東南圻英雄事曹劉敵被西風

吹盡了無陳迹樓觀才成人已去旌旗未卷頭先白嘆
人間哀樂轉相尋今猶昔

又送鄭舜舉赴召

湖海平生筭不負蒼髯如戟聞道是君王著意太平長
策此老自當兵十萬長安正在天西北便鳳凰飛詔下
天來催歸急車馬路兒童泣風雨暗旌旗溼看野梅
官柳春風消息莫向蔗菴追笑語只今松竹無顏色問
人間誰管別離愁杯中物

祝英臺近

春晚

寶釵分桃葉度烟柳暗南浦怕上層樓十日九風雨斷
腸點點飛紅都無人管倩誰喚流鶯聲住鬢邊覷試
把花卜歸期才簪又重數羅帳燈昏哽咽夢中語是他
春帶愁來春歸何處又不解帶將愁去

水調歌頭

盟鷗

帶湖吾甚愛千丈翠奩開先生杖履無事一日走千回
凡我同盟鷗鷺今日旣盟之後來往莫嫌猜白鶴在何

處嘗試與偕來 破青萍排翠藻立蒼苔窺魚笑汝癡
計不解舉吾杯廢沼荒丘疇昔明月清風此夜人世幾
懽哀東岼綠陰少楊柳更須栽

又

折盡武昌柳挂席上瀟湘二年魚鳥江上笑我往來忙
富貴何時休問離別中年堪恨憔悴鬢成霜絲竹陶寫
耳急羽且飛觴 序蘭亭歌赤壁綉衣香使君千騎鼓
吹風采漢侯王莫把離歌頻唱可惜南樓佳處風月已

淒涼在家貧亦好此語試平章

酹江月

登賞心亭

我來吊古上危樓贏得閒愁千斛虎踞龍盤何處是只
有興亡滿目柳外斜陽水邊歸鳥隴上吹喬木片帆西
去一聲誰噴霜竹却憶安石風流東山歲晚淚落哀
箏曲兜輩功名都付與長日惟消棊局寶鏡難尋碧雲
將暮誰勸杯中綠江頭風怒朝來波浪翻屋

又

西湖和人韻

晚風吹雨戰新荷，聲亂明珠蒼壁誰把香奩收寶鏡雲
錦周遭紅碧飛鳥翻空游魚吹浪慣聽笙歌席坐中豪
氣看君一飲千石 遙想處士風流鶴隨人去已作飛
仙客茅舍竹籬今在否松竹已非疇昔欲說當年望湖
樓下水與雲寬窄醉中休問斷腸桃葉消息

又 春恨

野棠花落又匆匆過了清明時節剗地東風欺客夢一
枕銀屏寒怯曲岸持觴垂楊立馬此地曾經別樓空人

去舊遊飛燕能說 聞道綺陌東頭行人曾見簾底纖
纖月舊悵春江流不盡新恨雲山千疊料得明朝尊前
重見鏡裏花難折也應驚問近來多少華髮

水龍吟

賞心亭

楚天千里清秋水隨天去秋無際遙岑遠目獻愁供恨
玉簪螺髻落日樓頭斷鴻聲裏江南游子把吳鉤看了
欄干拍遍無人會登臨意 休說鱸魚堪膾儘西風季
鷹來未求田問舍怕應羞見劉卽才氣可惜流年憂愁

風雨樹猶如此倩何人喚取紅巾翠袖搵英雄淚

又

壽韓南澗

渡江天馬南來幾人真是經綸手長安父老新亭風景
可憐依舊夷甫諸人神州沈陸幾曾回首算平戎萬里
功名本是真儒事君知否況有文章山斗對桐陰滿
庭清晝當年墮地而今試看風雲奔走綠野風烟平泉
草木東山歌酒待他年整頓乾坤事了為先生壽

又

再壽韓南澗

玉皇金殿微涼看公一試薰風手高門畫戟桐陰聞道
青青如舊蘭佩空芳蛾眉誰妬無言搔首甚年年却有
呼韓塞上人爭問公安否金印明年如斗向中州錦
衣如畫依然盛事貂蟬前後鳳麟飛走富貴浮雲我評
軒冕不如杯酒待從今痛飲八千餘歲伴松椿壽

又題南澗雙溪樓

舉頭西北浮雲倚天萬里須長劒人言此地夜深長見
斗牛光燄我覺山高潭空水冷月明星澹待然犀下看

憑欄却怕風雷怒魚龍慘
峽束滄江對起過危樓欲
飛還斂元龍老矣不妨高卧水壺涼簾千古興亡百年
悲笑一時登覽問何人又卸片帆沙際繫斜陽纜

木蘭花慢

送張仲固帥興元

漢中開漢業問此地是耶非想劒指三秦君王得意一
戰東歸追亡事今不見但山川滿目淚沾衣落日征塵
未斷西風塞馬空肥 一編書是帝王師小試去征西
更草草離筵匆匆去路愁滿旌旗君思我回首處正江

涵秋影鴈初飛安得車輪四角不堪帶減腰圍

又送滁州范倅

老來情味減對別酒惜流年更屈指中秋十分好月不
照人圓無情水都不管共西風只等送歸船秋晚蓴鱸
江上夜深兒女燈前征衫便好去朝天玉殿正思賢
想夜半恩綸畱教視草却遣籌邊長安故人問我道愁
腸殫酒只依然目斷秋霄落鴈醉來時響空絃

摸魚兒

茸春

更能消幾番風雨匆匆春又歸去惜春長怕花開早何
況落紅無數春且住見說道天涯芳草無歸路怨春不
語算只有殷勤畫簷珠網盡日惹飛絮長門事準擬
佳期又誤娥眉曾有人妬千金縱買相如賦脉脉此情
誰訴君莫舞君不見玉環飛燕皆塵土閑愁最苦休去
倚危欄斜陽正在烟柳斷腸處

最高樓

洪內翰慶七十

金閨老眉壽正如川七十且華筵樂天詩句香山裏杜

陵酒債曲江邊問何如歌窈窕舞嬋娟 更十歲大公
方出將又十歲武公才入相畱盛事看明年直須腰下
添金印莫教頭上欠貂蟬向人間長富貴地行仙

又
梅花

花知否花一似何郎又似沈東陽瘦稜稜地天然白冷
清清地許多香笑東君還又趨北枝忙 着一陣霎時
間底雪着一箇缺些兒底月山下路水邊墻清香怕有
人知處蒼松側畔竹筍相怎禁他挑與李少年場

千秋歲

建康壽史致道

塞垣秋草又報平安好樽俎上英雄表金湯生氣象珠
玉霏談笑春近也梅花得似人難老莫惜金樽倒鳳
詔看看看到畱不住江東小從容帷幄裏整頓乾坤了千
百歲從今盡是中書考

沁園春

退閒

三選初成鶴怨猿驚稼軒未來甚雲山自許平生意氣
衣冠人笑抵死塵埃意倦須還身閑要早豈為尊羹鱸

鱸哉秋江上看驚弦鴈避駭浪船回東岡更葺茅齋
好都把軒窗臨水開要小舟行釣先應種柳疎籬護竹
莫礙觀梅秋菊堪餐春蘭可佩畱待先生手自栽沈吟
久怕君恩未許此意徘徊

又

將止酒戒酒杯

杯汝來前老子今朝檢點形骸甚長年抱病咽如焦釜
于今喜眩氣似奔雷汝說劉伶古今達者醉後何妨死
便埋渾如此歎汝於知己真少恩哉更憑歌舞為媒

筭合作平居鴆毒猜况愁無小大生於所愛物無美惡
過則爲灾與汝成言勿畱亟退吾力猶能肆汝杯杯再
拜道麾之即去招則須來

聲聲慢

滁州作奠枕樓

征埃成陣行客相逢都道幻出層樓指點簷牙高處浪
湧雲浮今年太守萬里罷長淮千騎臨秋凭欄望有東
南佳氣西北神州 千古懷嵩人去還笑我身在楚尾
吳頭見說弓刀陌上車馬如流從今賞心樂事剩安排

酒令詩籌華胥夢願年年人似舊遊

洞仙歌

壽葉丞相

江頭父老說新來朝野都道今年太平也見朱顏綠鬢
玉帶金魚相公是舊日中朝司馬遙知宣勸後東閣
華燈別賜仙韶接元夜問天上幾多春只似人間但長
見精神如畫好都取山河獻君王看父子貂蟬玉京迎
駕

鷓鴣天

春日卽事

春入平原薺菜花新耕雨後落羣鴉多情白髮春無奈
晚日青帘酒易賒閒意態細生涯牛欄西畔有桑麻
青裙縞袂誰家女去趁蠶生看外家

又
秋意

枕簟溪堂冷欲秋斷雲依水晚來收紅蓮相倚渾如怨
白鳥無言定自愁書咄咄且休休一丘一壑也風流
不知筋力衰多少但覺新來懶上樓

又
春行卽事

着意尋春懶便回何如信步兩三杯山才好處行還倦
詩未成時雨早催携竹杖更芒鞋朱朱粉粉野蒿開
誰家寒食歸寧女笑語柔柔陌上來

又

東陽道中

撲面征塵去路遙香篝漸覺水沉消山無重數周遭碧
花不知名分外嬌人歷歷馬蕭蕭旌旗又過小紅橋
愁邊剩有相思句搖斷吟鞭碧玉梢

又

陌上柔桑初破芽東隣蠶種已生些平岡細草鳴黃犢
斜日寒林點暮鴉山遠近路橫斜青旗沽酒有人家
城中桃李愁風雨春在溪頭薺菜花

菩薩蠻

書江西造口壁

鬱孤臺下清江水中間多少行人淚西北望長安可憐
無數山青山遮不住畢竟江流去江晚正愁予山深
聞鷓鴣

又

稼軒日向兒童說帶湖買得閒風月頭白早歸來種花
花已開功名渾是錯更莫思量著見說小樓東好山
千萬重

鵲橋仙

和廓之弟送祐之歸浮梁

小窗風雨從今便憶中夜笑談清軟啼鴉衰柳自無聊
更管得離人腸斷詩書事業青氈猶在頭上貂蟬會
見莫貪風月卧江湖道日近長安路遠

蝶戀花

送祐之弟

衰草殘陽三萬頃，不筭飄零天外。孤鴻影幾許，淒涼須
痛飲。行人自向江頭醒。會少離多，看兩鬢萬縷千絲。
何況新來病，不是離愁難整。頓被他引惹，其他恨。

又

戊申元日立春

誰向椒盤簪彩勝，整整韶華爭上。春風鬢，往日不堪重
記。省爲花長抱新春恨。春未來時，先借問晚恨，開遲
早。又飄零近，今歲花期消息定。只愁風雨無憑準。

又

別意

莫向城頭聽漏點，說與行人默默情。千萬總是離愁無
近遠，人間兒女空恩怨。錦綉心，胷冰雪，面舊日詩名
曾道空。梁燕傾葢未償，平日願一盃早唱陽關勸。

霜天曉角

惜別

吳頭楚尾一棹人，千里休說舊愁新。恨長亭樹，今如此
宦遊吾倦矣。玉人畱我醉，明日落花寒食，得且住為
佳耳。

清平樂

村居

茅簷低小溪上青青草醉裏蠻音相媚好白髮誰家翁
媪大兒鋤豆溪東中男正織鷄籠竄喜小兒無賴溪
頭卧剝蓮蓬

又為兒鐵柱作

靈皇醮罷福祿都來也試引鶴雛花樹下斷了驚驚怕
怕從今日日聰明更宜潭妹嵩兄看取辛家鐵柱無
灾無難公卿

西江月

秀骨青松不老新詞玉佩相磨靈槎準擬泛銀河剝摘
天星幾箇 奠枕樓東風月駐春亭上笙歌畱君一醉
意如何金印明年斗大

喜遷鶯

荷花

暑風涼月愛亭亭無數綠衣持節掩冉如羞參差似妬
擁出芙蓉花發步觀潘娘堪恨貌比六郎誰潔添白鷺
晚晴時公子佳人竝列 休說寒木末當日靈均恨與
君王別心阻媒勞交疎怨極恩不甚兮輕絕千古離騷

文字芳至今猶未歇都休問但千杯快飲露荷翻葉

賀新郎

自述

甚矣吾衰矣悵平生交遊零落只今餘幾白髮空垂三千丈一笑人間萬事問何物能令公喜我見青山多嫵媚料青山見我應如是情與貌略相似一尊搔首東窗裏想淵明停雲詩就此時風味江左沉酣求名者豈識濁醪妙理回首叫雲飛風起不恨古人吾不見恨古人不見吾狂耳知我者二三子

京仲遠

滿江紅

乘興西來問誰是平生相識
筭惟有瑤臺明月照人如
昔萬里淒涼銀世界放教千丈冰輪出便招邀我輩上
層樓橫孤笛陰晴事人難必懽樂處天常惜幸星稀
河淡雲收風息更著兩賢陪勝賞此身如與塵寰隔笑
謫仙對影足成三空孤寂

漢宮春

上元前一日立春

暖律初回又燒燈市井賣酒樓臺誰將星移萬點月滿
千街輕車細馬隘通衢蹴起香埃今歲好土牛作伴挽
畱春色同來不是天公省事要一時壯觀特地安排
何妨綵樓鼓吹綺席樽壘良宵勝景語邦人莫惜徘徊
休教我癡頑不去年年爛醉金釵

洞仙歌

次王漕却賞海棠韻

東皇著意妙出粧春手點綴名花勝於綉向魚鳧國裏
琴鶴堂前仍共賞蜀錦堆紅炫晝妖饒真艷麗盡是

天然莫恨無香欠檀口幸今年風雨不苦摧殘還肯爲
遊人再三畱否筭魏紫姚黃號花王若定價收名未應
居右

賀新郎

中秋

試與常娥語問因何年年此夜月明如許萬頃鎔成銀
世界是處玉壺風露又豈比尋常三五變化乾坤同一
色覺星纏斗柄皆回互須教我共分付平生腳踏紅
塵處謾紛紛難蟲厚薄燕鴻來去只有嬋娟多情在依

舊當時雅素空自嘆歸心難住畱取清光岷江畔照扁
舟送我章江路頻滿引莫匆遽

木蘭花慢

重九

算秋來景物皆勝賞況重陽正露冷欲霜煙輕不雨玉
宇開張蜀人從來好事遇良辰不肯負時光藥市家家
簾幙酒樓處處絲簧 婆婆老子興難忘聊復與平章
也隨分登高茱萸綴席菊蕊浮觴明年未知誰健笑杜
陵底事獨淒涼不道頻開笑口年年落帽何妨

姚令威

名寬西溪

菩薩蠻

春愁

斜陽山下明金碧
画樓返照融春色
睡起揭簾旌
玉人蟬鬢輕
無言空佇立
花落東風急
燕子引愁來
眉心那得開

又

別恨

夢中不記江南路
玉釵翠鬢驚春去
午醉晚來醒
暝烟

花上輕紅綃空浥淚錦字憑誰寄衫薄暖香銷相思
雲水遙

憶王孫

春情

毵毵楊柳綠初低澹澹梨花開未齊樓上情人聽馬嘶
憶郎歸細雨春風溼酒旗

生查子


情景

卽如陌上塵妾似堤邊絮相見兩悠揚蹤跡無尋處
酒面撲春風淚眼零秋雨過了別離時還解相思否

踏莎行

秋思

蘋葉烟深荷花露溼碧蘆紅蓼秋風急採菱渡口日將
沉飛鴻樓上人空立彩鳳難雙紅綃暗泣回紋未剪
吳刀澁夢雲歸處不畱蹤厭厭一夜涼蟾入



花菴詞選續集卷三

欽定四庫全書

集部

花菴詞選續集卷

五四

詳校官編修

臣周瓊

侍讀臣孫球覆勘

總校官知縣

臣繆

琪

校對官主事

臣陳

璜

謄錄監生

臣王

宮

欽定四庫全書

花菴詞選續集卷四

宋黃昇撰

宋詞

吳子和

名禮之號順受老人錢塘人有詞五卷鄭國
輔序之

喜遷鶯

閏元宵

銀蟾光彩喜稔歲閏正元宵還再樂事難并佳時罕遇

依舊試燈何礙花市又移星漢蓮炬重芳人海盡勾引
徧嬉遊寶馬香車喧隘 晴快天意教人月更圓償足
風流債媚柳煙濃天桃紅小景物迥然堪愛巷陌笑聲
不斷襟袖餘香仍在待歸也便相期明日踏青挑菜

醜奴兒

秋別

金風顫葉那更餞別江樓聽淒切陽關聲斷楚館雲收
去也難畱萬重煙水一扁舟錦屏羅幌多應換得蓼嶼
蘋洲 凝想恁時歡笑傷今萍梗悠悠謾回首妖饒何

處眷戀無由先自悲
秋眼前景物只供愁
寂寥情緒也
恨分淺也悔風流

杏花天

春思

悶來凭得闌干暖
自手引朱簾高捲
桃花半露胭脂面
芳草如茵乍展
煙光散湖光瀲灩
映綠柳黃鸝巧轉
遙山好似宮眉淺
人比遙山更遠

雨中花

春濃恩重長離永
別憑誰為返香
覓憶湘裙霞袖杏臉

櫻唇眉掃春山淡淡眼裁秋水盈盈便如何忘得溫柔
情態恬靜天真 凭欄念及夕陽西下暮烟四起江村
漸入夜疎星映柳新月籠雲醞造一生清瘦能消幾箇
黃昏斷腸時候簾垂深院人掩重門

瑞鶴仙

秋思

風傳秋信至顫葉葉庭梧飄零堦砌年華迅流水況榮
枯翻手存亡彈指誰編故紙論古往英雄鬪智在當時
喚做功名到此盡成閒氣 何謂生為行客死乃歸人

世同驛邸十步九計空撈攘
漫兒戲忍都將有限光陰
縈絆起逐無窮天地我直須跳出樊籠做箇侑底

詞鄙意高

驀山溪

感舊

劉郎老矣倦入繁華地
觸目愈傷情念陳迹人非物是
共誰携手落日步江村
臨遠水對遙山間看烟雲起
買牛賣劍便作兒孫計
朋舊自繁華也怜我無名無利
簞瓢鍾鼎等是百年身
空妄作枉迂回貪愛從今止

風入松

江景

蘋汀蓼岬荻花洲占斷清秋五湖景物供心眼幾曾有
一點閒愁夢裏翩翩胡蝶覺來葉葉漁舟謝郎隨分
總優游信任沉浮恬然雲水無貪吝笑腰纏騎鶴揚州
只恐丹青妙筆寫傳難盡風流

漁家傲

閨思

紅日三竿鶯百轉夢回鴛枕離魂亂料得玉人腸已斷
眉峰斂曉粧鏡裏春愁滿綠瑣窗深難見面雲牋謾
寫教誰傳聞道笙歌歸小院梁塵顫多因唱我新詞勸

蝶戀花

春思

睡思厭厭鶯喚起
簾卷東風猶未忺
梳洗眼細眉長雲
擁髻笑垂羅袖熏沈水
媚態盈盈閒舉止
只有江梅清韻能相比
詩酒琴棋歌舞地
又還同醉春風裏

又別恨

急水浮萍風裏絮
恰似人情恩愛無憑據
去便不來來便去
到頭畢竟成輕負
簾捲春山朝又暮
鶯燕空忙不念花無主
心事萬千誰與訴
斷雲零雨知何處

又
春思

滿地落紅初過雨，綠樹成陰，紫燕風前舞。
烟草低迷紫
小路畫長人靜，局朱戶。
沉水香銷新剪，
花底聞鶯語。
春夢又還隨柳絮，
等閒飛過東牆去。

桃源憶故人
春暮

畫橋流水飛花舞，樓外斜風細雨。
紅瘦綠肥，春算腸斷
桃源路。
慳隨仙子乘鸞去，
鏤月裁雲，何處唯有病和
愁緒。
肯伴劉郎住。

謁金門

春晚

風乍扇簾外落紅千片飛盡落花春不管鬪忙鶯與燕
往事上心撩亂睡起日高猶倦料得伊家情眷眷近
來長夢見

霜天曉角

王生陶氏月夜共沈西湖賦此弔之

連環易缺難解同心結癡騃佳人才子情緣重怕離別
意切人路絕共沈烟水闊蕩漾香魂何處長橋月斷
橋月

欽定四庫全書

花菴詞選續集
卷四

五

又 秋景

西風又急細雨黃花溼樓枕一篙烟水蘭舟漾畫橋側
念昔空淚滴故人何處覓魂斷菱歌淒怨疎簾卷暮
山碧

生查子

浙江

吳山與越山相對摩今古裏纜浙江亭回首西興渡
區區名利人無分香閨住匆遽促征鞍又入臨平路

鄭中卿

名域三山人號松窗慶元丙辰多隨張貴謨
使金有燕谷剽聞兩卷記金人事甚詳

畫堂春

春思

東風吹雨破花慳客羶曉夢生寒有人斜倚小屏山
慳損眉彎合是一釵雙燕却成兩鏡孤鸞暮雲修竹淚
畱殘翠袖凝斑

桃源憶故人

春愁

東風料峭寒吹面低下綉簾休卷憔悴怕它春見一任

鶯花怨 新愁不受詩排遣
塵滿玉毫金硯若問此愁
深淺天闊浮雲遠

念奴嬌

戊午生日作

嗟來咄去被天公把做小兒調戲
蹀雪龍庭歸未久還
促炎州行李不半年間北燕南越
一萬三千里征衫着
破着衫人可知矣
休問海角天涯黃蕉丹荔自足供
甘旨泛綠依紅無箇事時舞斑衣
而已救蟻藤橋養魚
盆沼是亦經綸耳
伊周安在且須學老萊子

昭君怨

梅花

道是花來春未道是雪來香異水外一枝斜野人家
冷淡竹籬茅舍富貴玉堂瓊榭兩地不同栽一般開

浣溪沙

別恨

酒薄愁濃醉不成夜長欹枕數殘更嫩寒時節過燒燈
已自孤鸞羞對鏡未能雙鳳怕聞笙莫教吹作別離
聲

謝勉仲

名懋號靜寄居士有樂章二卷吳坦伯明爲
序稱其片言隻字憂玉鏗金醞藉風流為世
所貴云

憶少年

寒食

池塘綠徧王孫芳草依依斜日遊絲捲晴晝繫東風無
力蝶趁幽香蜂釀蜜秋千外卧紅堆碧心情費消遣
更梨花寒食

石州引

別恨

日脚斜明秋色半陰人意淒楚飛雲特地凝愁做弄晚
來微雨誰家別院舞困幾葉霜紅西風送客聞砧杵鞭
馬出都門正潮平洲渚無語匆匆短棹滿載離愁片
帆高舉京洛紅塵因念幾年羈旅淺顰輕笑當時別來
誰畫雙眉嫵回首一銷凝望歸鴻容與

洞仙歌

春雨

愁邊雨細漠漠天如醉搖颺遊絲晚風外釀輕寒和暝
色花柳難勝春自老誰管啼紅歛翠關情潛入夜斜

溼簾櫳幾處挑燈耿無寐
念陽臺當日事好伴雲來因
箇甚不入襄王夢裏便添起
寒潮捲長江又恐是離人
斷腸清淚

杏花天

春思

海棠枝上東風軟蕩霽色煙光弄煖
雙雙燕子歸來晚
零落紅香過半
琵琶淚揜青衫淺
念事與危腸易斷
餘醒未解扶頭懶
屏裏瀟湘夢遠

畫堂春

秋思

西風庭院雨垂垂
黃花秋閨遲已涼
天氣未寒時才褪
單衣
睡起枕痕猶在鬢
鬆釵壓雲低玉奩
重拂淡胭脂情入
雙眉

武陵春

惜春

門掩東風人去後
愁損燕鶯心一朶
梅花淡有春粉黛
不忺勻
我亦青樓成倦客
風月強追尋莫把
恩情做弄成容易
學行雲

霜天曉角

桂花

綠雲剪葉低護黃金屑占斷花中聲譽香與韻兩清潔
勝絕君聽說是它來處別試看仙衣猶帶金庭露玉
階月

風流子

行樂

少年多行樂方豪健何處不嬉遊記情逐艷波暖香斜
徑醉搖鞭影撲絮青樓難忘是笑歌偏婉婉鄉號得溫
柔嬌雨娛雲旋寬衣帶賸風殘月都在眉頭一成懽
悴損人驚怪空自引鏡堪羞誰念短封難托征鴈虛浮

念夜寒燈火懶尋前夢滿窗風雨供斷閒愁情到不堪
言處却悔風流

念奴嬌

中秋呈徐叔至

霽天湛碧正新涼風露水壺清徹河漢無聲光練練湧
出銀蟾孤絕巖桂香飄井梧影轉冷浸宮袍潔西廂往
事一簾輕夢悽切腸斷楚峽雲歸尊前無緒知有愁
如髮此夕常娥應也恨冷落瓊樓金闕禁漏迢迢邊鴻
杳杳幽意憑誰決闌干星斗落梅三弄初闕

鵲橋仙

七夕

卷四

鈎簾借月染雲為幌
花面玉枝交映涼生河漢
一天秋
問此會今宵孰勝
銅壺尚滴燭龍已駕淚浥西風不
盡明朝烏鵲到人間
試說向青樓薄倖

趙文鼎

名善扛號解林居士
詩詞甚富蓋趙德莊之
流也

傳言玉女

上元

璧月珠星輝映小桃穠李化工容易與人間富貴東風
巷陌春在煖紅溫翠人來人去笑歌聲裏油壁青驄
第一番共燕喜舉頭天上有月如人意歌傳樂府猶是
昇平風味明朝須判醉眠花底

好事近

春景

風動一川花搖漾影迷紅碧人立杏花陰下泛光風襲
襲瓊枝璧月互相輝春容泣將夕羅蓋暗承花霧漬
鮫綃香溼

重疊金

春遊

楚宮楊柳依依碧
遙山翠隱橫波溢
絕艷照穠春光
欲醉人纖纖芳草嫩
微步輕羅襯花戴滿頭
歸遊蜂花上飛

又

春思

玉關芳草粘天碧
春風萬里思行客
驕馬向風嘶道歸
猶未歸南雲新有鴈
望眼愁邊斷膏沐
為誰容倚樓煙雨中

又 春宵

一川花月青春夜玉容依約花陰下月照曲闌干紅綃
浥露寒袖香溫素手意鑠金卮酒香遠綉簾開畫樓
吹落梅

十拍子

上巳

柳絮飛時綠暗荼蘼開後春酣花外青帘迷酒思陌上
晴光收翠嵐佳辰三月三解佩人逢遊女踏青草鬪
宜男醉倚畫欄欄檻北夢遶清江江水南飛鷺與竝驂

青玉案

春暮

一年陌上尋芳意想人在東風裏褪粉銷紅春有幾青
翰飛去紫雲凝佇往事如流水 煙橫極浦山無際暗
解明璫問誰寄鄉在溫柔何處是輪囷香霧靜深庭院
簾影參差翠

燭影搖紅

盱江有懷

桃李牆頭向人都似他年意舞絲千丈颺晴光駘蕩春
無際花氣薰然自醉傷垂楊行行緩轡倦遊無奈回首

雲山歸期猶未
玉鎖樓空鳥啼花外東風起少年恩
怨付波流臨望朱闌倚冉冉塵生客袂對尊前高情暫
寄洞天一笑仙馭乘空姑峰凝翠

謁金門

春情

新雨霽開徧滿園桃李波暖池塘風細細一雙花鴨戲
喚起春融睡美扶醉宿粧慵理移步避人花影裏綉
裙低窣地

宴清都

錢明遠兄縣丞榮滿赴調

疎柳無情緒都不管渡頭行客欲去猶依賴得玉光萬
頃爲人畱住相從歲月如驚歎回首離歌又賦更舉目
斜照沈沈西風剪剪秋墅君行定憶南池歌筵舞地
花晨月午八磚步日三雍奏樂送君雲路別情未抵遺
愛試聽取湖山共語便可能無意同傾一尊露醕

小重山

別情

汲水添甌恰換花蜂兒爭要採打窗紗青春誰與度年
華絃索暗無緒幾曾拏春思正交加馬蹄聲錯認客

還家花牋欲寫寄天涯羞人見羅袖急忙遮

感皇恩

乙未生朝作

七十古來稀吾生已半莫把身心自縈絆據他緣分且
恁隨時消遣但知逢酒飲逢花看林泉有約風光無
限日上花稍起來晚芒鞋竹杖信步水村山館更尋三
兩箇清閒伴

賀新郎

夏

晝永重簾卷乍池塘一番雨過菱荷初展竹引新梢半

含粉綠蔭扶踈滿院過花絮蝶稀蜂懶窗戶沉沉人不
到伴清幽時有流鶯囀凝思久意何限 玉釵墜枕風
鬟顫湛虛堂壺冰瑩徹簾波零亂自是仙姿清無暑月
影空垂素扇破午睡香銷餘篆一枕湖山千里夢正白
蘋煙棹歸來晚雲弄碧楚天遠

喜遷鶯

春宴

韶華駘蕩看化工盡力安排春仗薄霧霏煙軟風輕日
物態與人交暢鳥聲弄巧千調樓影垂空十丈亂花柳

粲寶鈿纓絡綵絲帷帳
佳賞輝艷冶笑語盈盈花面
交相向歌運長縑酒凝深碧和氣盎然席上好春易苦
風雨人意難逢舒放但拍掌醉陶然一笑忘形天壤

趙德莊

名彥端號介庵官龍圖

瑞鶴仙

記河梁折柳問畫堂樂事燕鴻難偶十年謾回首但亭
亭紫葢差差南斗傳聞小有種桃花親煩素手恠歸來

道骨仙風縹緲迥然非舊 清晝江南如畫紫菊冬前
翠橙霜後扁舟渡口佳客至奉名酒喚青鸞起舞雲窗
月罅一曲山明水秀笑相看玉海別來淺如故否

祝英臺近

春恨

獸金寒簾玉潤梅雪印苔絮春意如人易散苦難聚幾
多絲竹深情池塘幽夢猶倚賴與春同住 舊遊處誰
喚別浦仙帆風前問征路烟雨連江吹恨正無數莫教
紫燕歸來彩雲開後空悵望主人歸去

清平樂

閨思

桃根桃葉一樹芳相接春到江南三二月迷損東家胡蝶
殷勤踏取春陽風前花正低昂與我同心支子報
君百結丁香

鵲橋仙

紅白蓮

藕花塘上無塵無暑灑灑一池秋淨綠羅寶蓋碧瓊竿
翠浪裏重重月影一家姊妹兩般粧束濃淡施朱傅
粉夜深風露逼人寒問誰在牙床酒醒

謁金門

春半

卷四

春已半。綉綠新紅如換。
燕子還來。簾幙畔。閒愁天不管。
翠被曲屏香滿。花葉彩牋人遠。
鵲喜蛛絲都未判。連環空約腕。

黃子厚

名銖號穀城翁與朱文公為友喜作古詩樂
章甚少其母孫夫人能文有詞見前唐宋集

江神子

晚泊分水

秋風嫋嫋夕陽紅晚烟濃暮雲重萬疊青山山外叫孤
鴻獨上高樓三百尺憑玉楯睇層空 人間日月去匆
匆碧梧桐又西風北去南來銷盡幾英雄擲下玉尊天
外去多少事不言中

菩薩蠻

夜宿崇安縣第三舖聞吹簫

海山翠疊青螺淺暮雲散盡天容遠匹馬度江皋北風
生怒號 解鞍棲倦翮皓月空庭白何處小闌干玉簫
吹夜寒

漁家傲

朱晦翁示歐公鼓子詞戲作一首

永日離憂千萬緒
雪舟遠泛清漳浦
珍重故人寒夜語
揮玉麈
沈沈畫閣凝香霧
風砌落花畱不住
紅蜂翠蝶間飛舞
明日柳陰江上路
雲起處
蒼山萬疊人歸去

趙昌甫

名蕃號章泉負天下重望屢召不起劉後村
所謂一生官職監南岳四海詩名仰玉山者
此也

小重山

寄劉叔通先生序云小重山一闕傳聞叔通吾兄間畱建城銜盃之際可令歌

以醉我否

何地無溪祗欠人有翁年八十住其濱直鉤元不事絲
繆優游爾聊以遂吾身陶令賦歸辰未嘗輕出入犯
風塵江州太守獨情親廬山醉誰主復誰賓

菩薩蠻

送游李仙歸東陽

雞聲茅店炊殘月板橋人跡霜如雪此是古人詩身經
老忘之君行當此境令我昏成醒乘月犯霜來詩真

誤爾哉

韓仲止

名澆號澗泉南澗先生之子

賀新郎

梅

梅已依稀矣歲華深脩然向晚杖藜獨倚山遠荒林黃
葉墜落日孤城烟水意興寄如何則是底事疎枝橫絕
峭未吹香便與花相似不忍折為之喜寒鴉數點霜
風裏正人家園收芋栗小槽初美欲飲可誰同一醉擬

賦才成又止老態度渾侵髮齒摸索孤根春在否任紅
紅白白皆桃李空爛漫豈能爾

易彥祥

名板長沙人寧宗朝狀元

驀山溪

春情

海棠枝上畱得嬌鶯語雙燕幾時來竝飛入東風院宇
夢回芳草綠遍舊池塘梨花雪桃花雨畢竟春誰主
東郊拾翠襟袖霑飛絮寶馬趁彫輪亂紅中香塵滿路

十千斗酒相與買春閒
吳姬唱秦娥舞拚醉青樓算

喜遷鶯

春感

帝城春晝見杏臉桃腮
胭脂微透一霎兒晴一霎兒雨
正是催花時候
淡烟細柳如畫
雅稱踏青攜手
怎知道
那人人獨倚闌干消瘦
別後音信斷應是淚珠滴徧
香羅袖
記得年時
膽瓶兒畔
曾把牡丹同嗅
故鄉水遙
山遠
怎得新歡如舊
強消遣
把閒愁推入花前盃酒

蔡行之

名幼學號溪園永嘉人壬辰南宮進士第一

好事近

送春

日日惜春殘春去更無明日擬把醉同春住又醒來岑
寂明年不怕不逢春嬌春怕無力待向燈前休睡與
畱連今夕

陳同甫

名亮永康人光宗朝狀元

水龍吟

春恨

開花深處層樓畫簾半捲東風軟春歸翠陌平莎茸嫩
垂楊金淺遲日催花淡雲閣雨輕寒輕煖恨芳菲世界
游人未賞都付與鶯和燕寂寞憑高念遠向南樓一
聲歸鴈金釵鬪草青絲勒馬風流雲散羅綬分香翠綃
封淚幾多幽怨正銷魂又是疎烟淡月子規聲斷

洞仙歌

秋雨

瑣窗秋暮夢高唐人困獨立西風萬千恨又簷花落處
滴碎空堦芙蓉院無限秋容老盡枯荷摧欲折多少

離聲鎖斷天涯訴幽悶似蓬山去後方士來時揮粉淚
點點梨花香潤斷送得人間夜霖鈴更葉落梧桐孤燈
成暈

虞美人

春愁

東風蕩颺輕雲縷時送瀟瀟雨水邊臺榭燕新歸一口
香泥溼帶落花飛海棠糝徑鋪香綉依舊成春瘦黃
昏庭院柳啼鴉記得那人和月折梨花

眼兒媚

春愁

試燈天氣又春來難說是情懷寂寥聊似揚州何遜不
為江梅 扶頭酒醒爐香熄心緒未全灰愁人最是黃
昏前後烟雨樓臺

思佳客

春感

花拂闌干柳拂空花枝綽約柳鬟鬆蝶翻淡碧低邊影
鶯嚶濃香杪處風 深院落小簾櫳尋芳猶憶舊相逢
橋邊携手歸來路踏蹴殘花幾片紅

清平樂

秋晚伯成兄往龍興山中意其登山
臨水不無閨房之思作此詞惱之

銀屏綉閣不道鮫綃薄嘶騎匆匆塵漠漠還過夕陽村落
亂山千疊無情今宵遮斷愁人兩處香消夢覺一
般曉月秋聲

滴滴金

梅

斷橋雪霽聞啼鳥對林花弄晴曉畫角吹香客愁醒見
梢頭紅小團酥剪蠟知多少向風前壓春倒江嶂人
烟畫圖中有短篷香繞

李居厚

名廷忠自號橘山長於四六有樂府一卷然
多是獻壽之詞

水龍吟

壽寧國太守王大卿正月二日

風流最數宣城奇山秀水仙府琴高臺畔花姑壇上
鸞翔鳳舞春度玉墀月昇金掌榮分銅虎想少陵知有
異人間出三百載畱佳句 歲歲椒盤栢斚到明朝又
還重舉陽和散作千巖瑞雪兩溪甘雨汲取恩波釀成
祿酒慶公初度有東風傳報都人已爲築沙堤路

沁園春

劉總幹會飲同寮出示新詞席上用韻

幕府增輝前度劉郎又還到來看芙蓉池畔神凝秋水
綺羅叢裏驪動春雷彩筆新題金釵半醉當日英雄安
在哉開筵處是真仙福地不著纖埃堪怜勸客情懷
聽吹竹彈絲金奏諧有黃花挿鬢何妨欹帽綠橙醒酒
莫惜空罍坐上踈狂簾間姝麗應想橫波一笑回停杯
久待嬌歌緩勸歸騎休催

水調歌頭

武昌南樓落成次王漕韻

撫景幾今古遺恨此江山百年形勝但見幽草雜枯管
多少名流登覽賴有神扶壞棟詩墨尚斑斑風月要磨
洗顧我已衰顏擎天手携玉斧到江干一新奇觀領
客觴詠有餘閒烟草半川開霽城郭兩州相望都在畫
屏間便擬騎黃鵠直上扣雲關

滿江紅
上夔帥樂祕閣生日

玉帳西來道前是綉衣使者游覽處秋風鼓吹自天而
下湘水得霜清可鑒巫風過雨森如畫有神仙佳致在

胸襟真瀟洒 荊州寶元無價藥門政長多暇聽談兵
樽俎百川傾瀉此日壽觴容我勸他年樞柄還公把起
桂花時節去朝天香隨馬

鷓鴣天

九日南樓和范總幹韻

檻外長江浪拍空蕭蕭紅蓼白蘋風三秋告稔三農慶
九日追歡九客同 烟渚北月巖東莫嫌光景大匆匆
登龍戲馬英雄事都在高樓一嘯中

踏沙行

趙寬夫十二月十二日生賦此爲壽

星野涵輝雲峰環翠南園迎臘開梅藥瑤臺仙子笑相
逢金釵行裏拚沉醉照乘驪珠出開天驥相隨壽母
多年紀春風侍宴寶花樓五枝七葉都榮貴

李知幾

名石號方舟

臨江仙

夜景

煙柳疎疎人悄悄畫樓風外吹笙倚闌聞喚小紅聲薰
香臨欲睡玉漏已三更坐待不來來不去一方明月

中庭粉牆東畔小橋橫起來花影下扇子撲飛螢

長相思

春思

花飛飛絮飛飛三月江南烟雨時樓臺春樹迷雙鶯
兒雙燕兒橋北橋南相對啼行人猶未歸

漁家傲

贈鼎州官妓

西去征鴻東去水幾重別恨千山裏夢繞綠窗書半紙
何處是桃花溪畔人千里瘦玉倚香愁黛翠勸人須
要人先醉問道明朝行也未猶自記燈前背立偷垂淚

出塞

夜夢一女子引扇求書為書小闌

花樹樹吹碎胭脂紅雨將謂郎來推綉戶暖風搖竹塢
睡起闌干凝佇漠漠紅樓飛絮剗踏襪兒垂手處隔
溪鶯對語

游子明

名次公建安人號西池范石湖帥桂林日西
池實參內幕有唱酬詩卷

賀新郎

月夜

斗柄回秋律素蟾飛水霜萬里滿川金碧得月偏多何
處是惟有橋南第一正野迥西風寒寂丹桂婆娑疎影
在想微瑕未累千金壁河漢遠澹無迹知君有句酬
佳夕儘高歌胡床自倚露溥珠溢坐到參橫星欲闕隱
隱天低似笠但絡緯悲啼催織吟詠淒涼翻有恨諒知
音人遠空追憶誰為置鄭莊驛

又宮詞

暖雲浮晴簾鎖垂楊籠池罩閣萬絲千縷池上曉光分

宿霧日近羣芳易吐尋竝蒂闌干凝佇不信釵頭飛鳳
去但寶刀被妾畱還住天一笑萬花妬阿嬌正好金
屋貯甚西風易得蕭疎扇鸞塵上一自昭陽扃玉戶墻
角土花無數況多病情傷幽素別殿時聞簫鼓奏望紅
雲冉冉知何處天尺五去無路

滿江紅
丹青閣

一舸歸來何太晚鬢絲如織謾歎息淒涼往事盡成陳
迹山迫暮烟浮紫翠溪搖寒浪翻金碧看長虹渴飲下

青冥危欄溼 誰可住烟蘿側俗士駕當回勒伴巖局
須是碧雲仙客風月已供無盡藏溪山更衍清涼國恨
謫仙蘇二不曾來無人說

危逢吉

名稹自號吳齋

水龍吟

慶齊年諸丈

洛陽九老圖中當時司馬年猶小爭如今夕舉盃相勸
十人齊壽已幸同庚何分雌甲本無多少但有頭可白

無愁可解只如此都贏了
慶禮十年還又更十年依
前難老儘教百歲做人高
祖見孫白首却要從今採
梅脚健看山眼好賴天公
頗得東園長在陪歌陪酒

漁家傲

和晏虞卿詠侍兒彈箏篴

老去諸餘情味淺
詩詞不上閒釵釧寶幌有人紅
兩靨簾間見紫雲元在梨花院
十四條絃音調遠柳絲不
隔芙蓉面秋入西窗風露晚
歸去懶酒酣一任烏巾岫

沁園春

壽許貳車

籍甚聲名門閭相種文章世科筭當年瑞世正當夏五
仙家毓德全是春和底事屏星著之海嶠奈此騰驤驥
足何君知否看飛來丹詔徑上鸞坡 殷勤携酒相過
要灑灑浮君金叵羅嘆同心相契古來難覓二年同處
意總無它如此平分更教添箇也自清風明月多拚沉
醉任光浮綠鬢笑滿紅渦

花菴詞選續集卷四